

REALIZACIJA PROJEKTA „POVRATAK U ISTOČNU HERCEGOVINU“

U okviru Programa „Rekonstrukcija i obnova individualnih stambenih objekata i objekata zajedničkog tipa stanovanja“ Federalnog ministarstva raseljenih osoba i izbjeglica u 2010. godini počela je realizaciju Projekta „Povratak u Istočnu Hercegovinu“. Ovaj Projekt obuhvata obnovu i rekonstrukciju individualnih stambenih objekata za povratnike, raseljene osobe i izbjeglice u sedam općina Istočne Hercegovine i to: Bileća, Trebinje, Gacko, Berkovići, Ljubinje, Nevesinje i Istočni Mostar.

Na javni poziv, Ministarstva, za iskazivanje interesa za povratak i obnovu individualnih stambenih objekata prijavilo se 347 potencijalnih korisnika, povratnika, raseljenih porodica i izbjeglica. Na osnovu broja prijava očito je da se radi o respektabilnom interesu za povratkom, ali zbog nedostatka finansijskih sredstava svim zahtjevima nije moguće odmah pozitivno odgovoriti.

Na osnovu Kriterija za utvrđivanje potencijalnih korisnika projekata povratka i rekonstrukcije stambenih jedinica, te u skladu sa Planom povratka i raspoloživim budžetskim sredstvima u 2010. godini, Komisija ministarstva je odabrala prvih 70 korisnika i prišlo se realizaciji dijela ovoga Projekta. Odabrano je 29 korisnika za potpunu rekonstrukciju odnosno po sistemu ključ u ruke, a 41 korisnik za dodjelu građevinskog materijala. Za 26 korisnika, zbog loše socijalne situacije, dodijeljena je i finansijska pomoć za ugradnju doniranog materijala od po 2.000,00 KM.

Raspored po općinama je:

Općina	Ključ u ruke	Građevinski materijal	UKUPNO
Gacko	5	6	11
Bileća	5	1	6
Berkovići	2	8	10
Trebinje	5	6	11
Nevesinje	11	8	19
Istočni Mostar	1	4	5
Ljubinje	-	8	8
	29	41	70

Građevinski materijal je dodjeljivan na osnovu specifikacija sačinjenih pojedinačno za svaki objekat u zavisnosti od stepena oštećenja i uslovnosti stanovanja. Ovim djelom Projekta rekonstruirano je 23 objekta tipa A tj. od temelja da krova, a 47 objekata tipova B i C, sanacija u zavisnosti od oštećenja.

Realizacijom ovog Projekta stvoreni su uslovi za nastavak povratka raseljenih osoba i izbjeglica na područje Istočne Hercegovine. Kako ovaj povratak spada u kategoriju tzv. „manjinski povratak“ zavrijeđuje poseban tretman, a na osnovu velikog broja iskazanog interesa za povratkom Federalno ministarstvo raseljenih osoba i izbjeglica planira nastaviti realizaciju ovog Projekta, kako obnove stambenih objekata tako i projekata održivosti povratka.